



TIP SHEET

Nsostaming ezhi dbaajmat gegoo binoojiinh



Aapji gwa znagat wii dbajmang waa yaamiing giishpin kshkitoosiing wii giig dang. Noowaanj gwa gegoo gdinkaazna wii nsastaading.

Kenjgaadeg gwa ezhi dbaajmat gegwa binoojiinh, miinwaa enji zhichget gegwa, naadmaagemgat wii naadmowin binoojiinh wii kkendang weweni wii dbajmat gegoo.

Binoojiinh enkaazat wii dbaajmat gegoo.

Gnoowamdang gegoo, zhinooget, maage gwe debnang gegoo

- Wiikbinaat gwaya wii waamdowat waa yang
- Ooshijgaabwit ngwaji
- Ezhiingwetaat
- Gnoowaabmik gshkiizhgoon

- Kinwaabi, maage kinwaazaabi, maage kinootam
- Giigda
- Naanoondaagzi, miinwaa maaskaa
- Gjiboowe, tkoonge, maage wepjige
- Ninjiin adinkaaznan

Aaniish enji gnoonding

Aapji gwa baatiinat enji gnoondin.

- Wii g'gwedweng gegwa, maage gegwa wii nankiin
- Wii zhewenjgaazat



- Wii ndakenjget
- Wii dbaajmat gegwa wii zhijgesik
- Wii nimkaaget
- Wii waabdoowet ezhiyaat

Naadmowat Binoojiinh wii Nsostang Giigdownin

Waamdang, noondang, daangnang, gjibidang, bijmandang, miisa maanda eshchikget binoojiinh gwegoo wii shki kkendang gegoo. Nistataan gwa awaa binoojiinh ekidang, gaawiin gweta agashtoosiin wiigiigdat. Niibnan ching gwa aabdek wii kidaam gegoo wii nsostan binoojiinh ekdownin. Ntom gwa binoojiinh nistatan gegoo jibwaa kidat gegoo.

Miisa maanda ge zhichgenba wii naadmowad gda binoojiinhim wii nsostang:

- Shkiizhigwoon ga gnoowabmaa
- Ga zhinoomowaa debaataman
- Ga waawiindan debaataman, maage mzinchiganan ga waamdoowaa epiichi kidyin gegoo
- Wawiindan enakiit
- Ga bejtaa dnaangidoonan, miinwaa anaasaap kidwinaan ga nikaasnan
- Memdage gwa ga wawiindan gegoo getchi piitendagwak wii kidang, memdage gwa pane enkaazang kidwinan
- Wiindmwa ezhnikaadek gegoo e waamdang

Naadmoowin binoojiinh wii giigdat

Nepaaji kida gwa gegoo binoojiinh shki gaagiigdat. Aabdeg gwa wii mkwenjgaade, epiiji snagak wii dnaangidoonang, naangwadnang gwa mskwiigde'endaagwat.

- Ga naadmowaa gda binoojiinhim wii dbajmat.
- Ga baabiiiaa wii nkwetang – ngwading gegoo ga gwejmaa, miidash ji baabiiwat ji nkwetang
- Ga kinootwa, maage ga kinwaabmaa
- Ga aankanoostamwaa ekidat (Giishpin gegoo mgising, Oh,Oh kidaat binoojiinh, 'Mgisin' ga kit)
- Ga kit gegoo, ga gwejmaa dash gniijaanis wii giizhtoot ekda'in. (Dbishkwa goonaa "detbisenig skoonwi daabaaning biimskwabzawog_____.)
- Ga nkwetwa binoojiinh gegoo kidat, ga wiikjiwaa yaa'aabi gegoo wii kidaat
- Ga gwejmaa wegwendig waa yaamgwen
- Ga aankesdwan ekidaat. ("Nimosh kidat", "Kitchi nimosh" ga kit).